

四庫全書

子部

欽定四庫全書

子部

冊府元龜卷二百一

詳校官中書臣涂日煥

員外郎臣牛稔文覆勘

總校官庶吉士臣何思鈞

校對官學正臣李巖

謄錄監生臣黃嵩齡

欽定四庫全書

冊府元龜卷二百一十一

宋

王欽若等

撰

閏位部

祥瑞

善之著者天乃降祥德之應者物斯為瑞其所繇來尚矣自建安之際寓內分裂江表傳祚高齊革命施及梁室實分正閏而建邦立社創業敷政苟非膺神明之眷集玄黃之祐亦安能端委南面拱揖羣后哉故其穹

旻之錫祉昭於懸象動植之效靈彰于品物寶藏攸發  
坤珍總萃斯皆稽篇章而可復列圖品而焯叙形於感  
召謂之休徵者焉

蜀後主景耀元年史官言景星見于是大赦改元

昌  
吳大帝以漢建安二十五年四月自公安都鄂改名武

昌  
是歲五月建業言甘露降

臣欽若等曰此以下  
凡不書日竝史臣闕

黃武元年三月都陽言黃龍見

二年五月曲阿言甘露降

四年六月皖口言木連理

五年七月蒼梧言鳳凰見

黃龍元年四月夏口武昌竝言黃龍鳳凰見因改元黃龍

三年夏有野蠶成繭大如卵繇拳野稻自生改為禾興縣

十月會稽南始平言嘉禾生

嘉禾五年三月武昌言甘露降于禮賓殿

赤烏元年三月零陵言甘露降

八月武昌言麒麟見有司奏言麒麟者太平之應宜改  
年號詔曰間者赤烏集于殿前朕所親見若神靈以為  
嘉祥者改年宜以赤烏為元羣臣奏曰昔武王伐紂有  
赤烏之祥羣臣觀之遂有天下聖人書策載述最詳者  
以為近事既嘉親見又明也于是改年

二年三月零陵言甘露降

五年三月海鹽縣黃龍見

六年正月新都言白虎見

七年秋宛陵言嘉禾生

九年四月武昌言甘露降

十一年四月雲陽言黃龍見黃龍二又見武陵吳壽光  
色炫燿

五月鄱陽言白虎仁

瑞應圖曰白虎仁者王者不暴虐則仁虎不害也

十二年六月戊戌寶鼎出臨平湖

八月癸丑白鳩見于章安

廢帝建興二年十一月大鳥五見於春申

五鳳元年交趾稗草化為稻

景帝永安三年三月西陵言赤鳥見是歲得大鼎于建德縣

四年九月布山言白龍見

五年七月始新言黃龍見

六年四月泉陵言黃龍見



是歲青龍見於長沙白燕見於慈湖赤雀見于豫章  
後主甘露元年四月蔣陵言甘露降于是改年大赦  
寶鼎元年八月所在言得大鼎于是改元

四年正月西苑言鳳凰見

建衡三年西苑言鳳凰集改元明年為鳳凰

天冊元年吳郡言掘地得銀長一尺廣三分上刻有年  
月日字

宋高祖永初元年七月青龍見義興陽羨

八月癸巳白虎見枝江是月青龍二見南郡江陵

九月庚申甘露降丹徒峴山

十月庚午甘露降興寧永寧二陵彌冠百餘里

二年六月丁酉白鳥見吳郡婁縣太守孟顛以獻

少帝景平元年五月癸未白麈見義興陽羨太守王準  
之獲以獻

十月白虎見桂陽耒陽

文帝初封宜都王景平二年六月將入奉大統白麈見

南郡江陽太守王華獻之以為休祥

元嘉元年七月壬戌白燕集齊郡城遊翔庭宇經九日  
乃去衆燕隨從無數已巳白雀見齊郡昌國

二年五月北征長史廣陵太守范邈上言所領輿縣前  
有大浦控引潮流水淤濁自此以來源流清潔纖鱗呈  
形故老相傳以為休瑞

十月嘉禾生潁川陽翟太守垣苗以聞

十一月甲辰白鳥見山陽太守阮寶以聞

三年閏正月己丑甘露降吳興烏程太守王韶之以聞  
三月甲戌丹陽湖孰薛奕之獲白鳥以獻

四年五月辛巳甘露降齊郡西安臨朐城

七月乙酉白雀見北海劇縣

十一月辛未朔甘露降初寧陵己丑甘露降南海熙安  
廣州刺史江桓以聞

五年四月乙巳白麋見汝南武津太守鄭據獲以獻

五月庚辰白雉見東莞莒縣太守劉玄以聞

七月丙戌白鹿見東莞莒縣峒莪山太守劉玄以聞

六年九月長廣昌陽淳于邈獲白兔青州刺史蕭思話  
以獻

七年七月乙酉建康額擔湖二蓮一蒂

八年四月乙亥東莞莒縣樹連理太守劉玄以聞

五月辛丑白雀集左衛府

是月甘露降南海番禺

閏六月丁亥司徒府白從伊生於淮南繁昌獲白兔以

獻

八月木連理生東安新泰縣

九年正月白鹿見南譙縣豫州刺史長沙王義欣以獻

三月嘉禾生義陽豫州刺史長沙王義欣以獻

六月木連理生管陽冷道太守王展禽以聞

十一月壬子甘露降初寧陵

十年七月己丑華林天淵池芙蓉異花同蒂

八月嘉禾生汝南苞信豫州刺史長沙王義欣以獻

十二月營城縣民成公會之于廣陵高郵界獲白麀鹿以獻

十一年五月丁酉齊郡西安宗顯獲白雀青州刺史段宏以獻

六月乙巳吳郡海鹽王悅獲白烏揚州刺史彭城王義康以獻

八月甲辰甘露降費縣之沙里琅邪太守呂綽以聞

是月嘉禾一莖九穗生北汝陰太守王玄謨以獻

是年

臣欽若等曰此以下凡不書月並史臣闕

朱草生蜀郡郫縣王之冢益

州甄法崇以聞

十二年正月白麋見東萊黃縣青冀二州刺史王方回以獻

二月丁卯南郡江陵庾和園甘樹連理荊州刺史臨川王義慶以聞

是月馬頭濟陽柞樹連理豫州刺史長沙王義欣以聞



是年衡陽湘鄉醴泉出縣庭荊州刺史臨川王義慶以  
聞

十三年二月丁卯甘露降上明巴山

是月甘露降吳縣武康董道益家園樹

三月戊辰義興陽羨令獲白烏太守以獻甲午甘露降  
初寧陵

四月辛丑武昌縣章山水側自開出神鼎江州刺史南

譙王義宣以獻

七月甲戌濟南朝陽王道獲白兔青州刺史段宏以獻  
九月己酉會稽郡西南向晚忽天光明有青龍騰躍凌  
雲久而後滅吳興諸處竝以其日同見光景揚州刺史  
彭城王義康以聞

十四年正月丙申白兔見山陽縣山陽太守劉懷之以  
獻

二月宮內螽斯堂前梨樹連理豫州刺史長沙王義欣  
以聞

五月甲午白雀集費縣員外散騎侍郎郭敬家獲以獻  
是年白雀二見荊州府客館白鹿見文鄉白燕集荊州  
府門刺史臨川王義慶以聞

十五年六月白雀見建康定陰里揚州刺史彭城王義  
康以獻

七月壬申山陽師齊獲白兔南兖州刺史江夏王義恭  
以獻

八月白雀見西陽江州刺史南譙王義宣以獻白雀集

延康都亭里揚州刺史彭城王義康以聞

十六年二月白雉見陳郡豫州刺史長沙王義欣以聞

三月己卯甘露降廣州城北門楊樹刺史陸徽以聞

七月壬申華林池雙蓮同幹

十七年四月丁丑甘露降廣陵永福里梁昌李家樹南  
兖州刺史江夏王義恭以聞

五月甲午白鹿見南汝陰宋縣太守文道恩以獻壬寅

白雀二見荊州後園刺史衡陽王義季以聞

七月武昌宗讓鄉程僧愛家候風木連理江州刺史臨川王義慶以聞

十月尋陽弘農湖芙蓉連理義慶以聞

十一月乙酉甘露降樂遊苑

是年甘露降高平金鄉富民村方三十里中徐州刺史趙伯符以聞

十八年二月癸丑白雉見南汝陰宋縣太守文道恩以獻

五月甲申甘露降丹陽秣陵衛將軍臨川王義慶園楊州刺史始興王濬以聞

六月白燕產丹徒縣南徐州刺史南譙王義宣以聞  
露降廣陵孟玉李家樹南兗州刺史臨川王義慶以聞  
七月吳郡鹽官于玄獲白雀太守劉禎以獻

八月庚午會稽山陰商世寶獲白鳩眼足竝赤揚州刺史始興王濬以獻

十二月木連理生歷陽劉成之家南豫州刺史武陵王

駿以聞

十九年四月戊申白龜見吳興餘杭太守文道恩以獻  
五月丁卯甘露降建康司徒叅軍督護顧俊之宅竹柳  
乙亥甘露降馬頭濟陽宋慶之園樹太守荀顛以聞

是月山陽張林宗獲白麋海陵王文秀獲白烏南兗州  
刺史臨川王義慶以獻

七月白烏產晉陵暨陽僑民彭城劉原秀宅樹原秀以  
聞

八月壬子揚州後池二蓮合華刺史始興王濬以聞

九月戊申廣陵肥如石梁澗中出石鐘九口大小行次引列南向南兖州刺史臨川王義慶以獻

十月白虎見弋陽期思二縣南豫州刺史武陵王駿以聞

二十年四月辛卯白龜見吳興餘杭揚州刺史始興王濬以聞

五月丁丑白雀二見京都材官吏黃公歡軍人丁用夫



各獲以獻廬陵郡池芙蓉二花一帶太守王淵以聞白  
燕集南郡內史臧綽以聞

六月壬寅華林天淵池芙蓉二花一帶園丞陳襲祖以  
聞

是月白雉見高平萬興縣徐州刺史臧質以獻嘉禾一  
莖九穗生上庸新安梁州刺史劉道以獻

七月吳興郡後池芙蓉二花一帶太守孔山士以聞

彭城劉原秀又獲白鳥以獻盱眙考城縣柞梅二株連理

南兖州刺史王義慶以聞

八月揚州後池芙蓉二花一蒂刺史始興王濬以獻白  
鹿見譙郡蘄縣太守鄧琬以獻白麋見江夏安陸內史劉  
思考以獻

是月木連理生汝陰豫州刺史劉遵考以聞

是年夏永嘉郡後池芙蓉二花一蒂太守臧藝以聞  
秣陵衛猗之獲白雀丹陽尹徐湛之以獻

二十一年三月白兔見東萊當利青州刺史杜冀以聞

四月甘露頻降樂遊苑甘露降義陽平陽太守龐秀之以聞甘露降彭城綏輿里徐州刺史臧質以聞

六月丙午華林苑天淵池二蓮同幹園丞陳襲祖以聞  
十月己丑永嘉永寧見黃龍自雲而下太守臧藝以聞  
十二月新陽獲古鼎于水側有篆書四十二字雍州刺史蕭思話以聞

是年甘露降益州府內梨李樹刺史庾俊之以聞木連理生晉陵無錫南徐州刺史南譙王義宣以聞

湘州刺史南平王鐸獻赤鸚鵡木連理生歷陽烏江南  
豫州刺史武陵王譯以聞白燕見廣陵南兗州刺史廣  
陵王誕以獻

是年嘉禾生新野鄧縣雍州刺史蕭思話以獻

二十二年二月白鹿見建康縣揚州刺史始興王濬以  
聞又白鹿見南康贛縣南康相劉興祖以獻

是月丙子白雀見東安郡徐州刺史臧質以獻

是月樂遊苑池二蓮同榦苑丞梅道念以聞

閏五月丙午白雀見華林園員外散騎侍郎長沙王瑾  
獲以獻

六月丙子南彭城番縣時佛護獲白雀以獻

是月嘉禾生藉田一莖九穗

七月癸酉嘉禾生平虜陵徐州刺史臧質以獻辛巳南  
頓櫟連理豫州刺史趙伯符以聞

是月東宮立圃園池二蓮同榦內監殿守舍人宮勇民  
以聞

九月木連理生建康建康令張永以聞嘉禾生揚州東  
耕田刺史始興王濬以聞嘉禾生太尉府田太尉江陵  
王義恭以聞

十一月辛巳甘露降南郡江陵方城里荊州刺史南譙  
王義宣以聞

十二月丁酉甘露降長寧陵陵令包誕以聞

是年木連理生武昌江州刺史廬陵王紹以聞白鵲見  
新野鄧縣雍州刺史蕭思話以聞豫章豫寧縣出銅鐘江

州刺史廣陵王紹以獻嘉禾生華林園百六十穗園丞  
陳襲祖以聞嘉禾生潁川陽曲豫州刺史趙伯符以聞  
二十三年二月戊戌白鹿見兗州刺史檀和之以獻丁  
未甘露降樂遊苑苑丞張寶以聞辛亥木連理生商陰  
柔縣太守以聞

五月甲寅東宮隊白從陳超獲黑麋于肥如縣皇太子  
以獻

六月辛丑太子西池二蓮同榦池統胡永祖以聞壬寅

華林天淵池芙蓉二花一帶園丞陳襲祖以聞丙辰白  
鹿見彭城縣征北將軍衡陽王義季獲以聞

七月乙丑嘉禾生藉田藉田令褚熙伯以聞庚午嘉禾生  
丹陽椒唐里揚州刺史始興王濬以聞庚辰嘉禾生醴  
湖屯屯主王世宗以聞

八月己酉嘉禾生華林園園丞陳襲祖以聞魚邑三周  
池二蓮同幹園丞徐道興以聞

九月庚辰嘉禾生沛郡蕭縣征北大將軍衡陽王義季



以聞丙子甘露降長寧陵陵令華林以聞

十月辛巳東宮將魏榮獲青麇於秣陵

十二月庚子甘露降襄陽郡治雍州刺史武陵王駿以聞辛丑甘露頻降樂遊苑苑丞何道令以聞

是年吳郡嘉興鹽官縣野稻自生三十許種揚州刺史始興王濬以聞

是年醴湖屯生嘉粟一莖九穗屯主王世宗以聞木連理生淮南當塗揚州刺史始興王濬以聞嘉禾生江夏

汝南荊州刺史南譙王義宣以聞

二十四年二月壬午臨川王第梨樹連理臨川王燿以聞  
成河濟俱清龍驤將軍青冀二州刺史社坦以聞  
已亥庚子甘露頻降景陽山山監張績以聞

又是月已亥三月丙辰甘露降尋陽松滋江州刺史廬  
陵王紹以聞

四月癸未甘露降尋陽松滋丙申又降江州城內桐樹丁  
酉又降近城數里之中江州刺史廬陵王紹以聞白雀

產吳郡鹽官民家太守劉禎以獻

五月辛未白鸞集司徒府西園太尉江夏王義恭以聞  
六月己亥白雀五集長沙廟長沙王瑾以聞

七月己酉白兔見東莞太守趙球以獻壬子晉陵無錫  
穀櫟樹連理南徐州刺史廣陵王誕以聞乙卯木連理  
生會稽諸暨揚州刺史始興王濬以聞會稽太守羊  
玄保上改連理所生處康亭村為木連理臨川王第梨  
樹連理臨川王煜以聞甘露降京師揚州刺史始興王

澹以聞丁巳白兔見兗州刺史徐瓊以聞丁卯嘉禾旅生  
華林園及景陽山園丞梅道念以聞

是月甘露降襄城治下無量寺雍州刺史武陵王駿以  
聞

八月乙巳嘉禾生魚城內白鳥見晉陵南徐州刺史廣  
陵王誕以聞

九月白鳩見

十月甲午甘露降魏興郡內太守韋寧民以聞揚州刺

史始興王濬獲白龜以獻

二十五年二月乙丑白麋見淮南太守王休獲以獻已  
亥白虎見武昌武昌太守蔡興宗以聞

四月戊午白麋見南琅邪太守王遠獲以獻戊辰木連  
理生晉陵南徐州刺史廣陵王誕以聞

五月辛未朔華林園白麋生二子皆白園丞梅道念以  
聞丁丑黑龍見玄武湖北苑丞王世宗以聞戊戌黑龍  
見玄武湖東北隈揚州刺史張立之以聞

六月壬寅嘉禾旅生華林園十秣七百穗園丞梅道念以聞壬子嘉禾生藉田藉田令褚熙伯以聞

七月壬辰嘉禾生北海青冀二州刺史杜坦以聞

八月丙午嘉禾生太尉江夏王義恭果園江夏國典書令陳穎以聞辛亥黃龍見會稽太守孟顛以聞又廣陵有龍自湖西升天百姓皆見壬子嘉禾生建康化義里令丘珍孫以獻又白燕見廣陵城南兗州刺史徐湛之以聞癸丑嘉禾生華林園園丞梅道念以聞

十一月丁丑白虎見蜀郡二赤虎道前益州刺史陸徽以聞庚辰甘露降南郡荊州刺史南譙王義宣以聞乙未甘露降丹陽秣陵崑山

是月嘉禾生巴東荊州刺史南譙王義宣以聞

二十六年三月壬午甘露降景陽山華林園園丞梅道念以聞戊寅白雉見東安沛郡各一徐兗二州刺史武陵王獲以獻庚寅癸巳甘露頻降武昌江州刺史廬陵王紹以聞

四月戊戌白虎見南琅邪半陽山二虎隨從太守王僧  
達以聞甲辰丙午戊申甘露頻降豫章南昌太守劉思  
考以聞

五月癸酉白鵲見建康崇孝里揚州刺史始興王濬以  
獻戊寅白燕產衡陽王墓亭郎中令朱曠之獲以獻丙  
戌白麋見馬頭豫州刺史南平王鐸以獻

六月甲寅嘉禾生藉田藉田令褚熙伯以獻

七月嘉禾生巴東朐腮荊州刺史南譙王義宣以聞



二十七年正月己丑白虜見濟陰徐州刺史武陵王駿  
以聞

三月壬辰白兔見竟陵荊州刺史南譙王義宣以獻又  
白兔見濟陰徐州刺史武陵王駿以聞

四月癸丑華林園白虜生一白子園丞梅道念以聞

乙卯丙辰丁巳甘露頻降豫章南昌戊午午時天氣清  
明有綵雲映覆郡邑甘露降又白雲降太守劉思考以  
聞

五月甲戌甘露降南東海丹徒南徐州刺史始興王濬  
以聞

六月壬辰白燕見秣陵丹陽尹徐湛之以獻丙午白虎  
見南汝陰豫州刺史南平王鐸以獻乙卯白雀見濟南  
郡薛榮以獻

十月乙丑嘉禾生北海青州刺史杜坦以聞

二十八年正月戊子木連理生尋陽柴桑又生州城內  
江州刺史建平王宏以聞

二月戊辰甘露降鍾山延賢寺揚州刺史廬陵王紹以  
聞壬午甘露降徽音殿前果樹

是月甘露降合歡殿後

七月戊戌嘉禾生廣陵邵伯埭兗州刺史江夏王義恭  
以聞癸卯尋陽柴桑菽粟旅生彌漫原野江州刺史建  
平王宏以聞

八月己巳崇義軍人獲白雀一雙太子左率王錫以獻  
二十九年四月癸丑白雀見會稽山陰太守東海王禕

獲以獻

六月壬戌白麋見晉陵暨陽南徐州刺史始興王濬以獻

八月癸酉白鹿見鄱陽南中郎將武陵王駿以獻

十月丁未木連理生南琅邪太守劉成以聞

三十年十一月壬午白鹿見南琅邪太守王僧虔以獻

十二月癸亥白鹿見武建郡雍州刺史朱修之以聞

孝武帝孝建元年三月丙辰甘露降華林園

五月己亥臨沂縣魯尚期于城上獲白雀太傅假黃鉞  
江夏王義恭以獻

二年正月庚戌白兔見淮南太守申坦以聞

三月己酉甘露降丹陽秣陵中里路興之墓樹又木連  
理生南郡江陵荊州刺史朱修之以聞辛亥甘露降長  
寧陵松樹戊午甘露降丹陽秣陵尚書謝莊園竹林莊  
以聞

是月甘露降襄陽民家梨樹

六月丙子左衛軍獲白雀以獻庚寅玄武湖二蓮同幹  
癸巳嘉禾二株生江夏王義恭東田

七月癸丑黃龍見石頭城水濱中護軍湘東王以聞  
是月木連理生歷陽太守袁敞以聞

九月己丑朔嘉禾異畝同穎生齊郡廣饒縣

三年三月庚子白鹿見臨川西豐縣壬子白虎見臨川

西豐縣

閏三月辛酉黃門侍郎庾徽之家獲白雀以獻乙丑白兔見原州獲以獻

四月丁亥臨川宜黃縣民田中得銅鐘七口內史傅徽以獻甲辰晉陵延陵得古鐘六口徐州刺史竟陵王誕以獻

五月己未龍見臨川郡江州刺史東海王禕以聞丁卯白雀見建康獲以獻木連理生北海都昌冀州刺史垣護之以聞

六月癸巳白麋見廣陵南兗州以獻

七月庚午嘉禾生吳興武康

九月甲戌細仗隊省井泉春夏深不盈尺忽至一丈有  
五色水清澄醴味汲引不窮

是月濟河清冀州刺史垣護之以聞

大明元年正月乙亥木連理生高平

二月己亥白麋見會稽諸暨縣獲以獻壬寅華林園雙

橘樹連理



四月甲辰白鹿見南平白雀見南郡江陵癸卯甘露降  
華林園桐樹戊申白雀見尋陽

五月壬子紫氣從景陽樓上層出狀如烟回薄良久甲  
寅白雀二見渤海獲以獻戊午嘉禾一株五莖生清暑  
殿鴟尾中癸亥黑龍見晉陵古石村改村為津里甲子  
白雀見建康獲以獻丁丑蒼烏見襄陽縣戊寅江乘縣  
民朱伯地中得玉璧徑五寸八分以獻

六月丁亥白雀見零陵祁陽獲以獻庚子白虎見即墨

獲以獻

七月辛亥白雀見南陽苑獲以獻丁丑白麋見東萊曲  
城縣獲以獻

八月嘉禾生青州異根同穗

九月辛丑華林園梨樹連理

十月乙丑朔木連理生豫章南昌

二年正月壬戌白麋見山陽內史程天祚以聞

二月辛丑白麋見濟北太守殷孝祖以獻

三月壬子北汝陰樓煩平地出醴泉豫州刺史宗慤以獻  
聞已巳白雉雌雄各一見海陵南兗州刺史竟陵王誕  
以獻

四月甲申蒼烏見襄陽雍州刺史王玄謨以獻已丑白  
鹿見桂陽郴縣湘州刺史山陽王休祐以獻辛丑木連  
理生汝南豫州刺史宗慤以聞

五月乙巳白燕產南郡江陵民家荊州刺史朱修之以  
獻丁未白雀見建康揚州刺史西陽王子尚以獻甲子

白燕二產山陽縣舍南兖州刺史竟陵王誕以獻

六月甲戌白燕產吳郡城內太守王翼之以獻丁亥白

雀見河東定襄縣荊州刺史朱修之以聞

三年正月癸巳白鹿見南琅邪江乘南徐州刺史劉延  
孫以獻丙申槃皇國獻赤白鸚鵡各一

三月巳卯甘露降樂遊苑梅樹戊子甘露降宣城郡舍  
太守張辨以聞戊子毛龜見宣城廣德太守張辨以獻  
辛卯白鹿見廣陵新市太守柳光宗以聞

四月庚戌白雀見秣陵丹陽尹劉秀之以獻

五月壬午太宰府崇義軍人獲白雀太宰江夏王義恭以獻甲申白燕產武陵臨沅民家郢州刺史孔靈符以聞

九月己亥嘉禾生北海都昌縣青州刺史顏師伯以聞甲午木連理生丹陽秣陵材官將軍范悅時以獻

四年正月壬辰甘露降初寧陵松樹

二月丙申甘露降丹陽秣陵龍山丹陽尹孔靈符以聞

乙巳徐州刺史劉道隆于汴水得白玉戟以獻

三月丁亥木連理生華林園曜靈殿北

四月壬子木連理生華林園日觀臺北

五月辛巳白雀見廣陵侍中顏師伯以獻

六月戊戌木連理生會稽山陰揚州刺史西陽王子尚以聞壬寅車駕幸藉田白龜見于千畝尚書右僕射劉秀之以獻乙卯白燕見平昌青州刺史劉道隆以獻

五年正月丙子交州刺史垣閎獻白孔雀

四月庚戌白雀見晉陵太守沈文淑以獻辛亥甘露降  
吳興安吉太守歷陽王子頊以聞乙卯甘露降吳興烏  
程太守歷陽王子頊以聞

五月丙寅白鹿見南東海丹徒南徐州刺史劉延孫以  
獻癸未白雀二見尋陽江州刺史桂陽王休範以獻癸  
未白雀二見濟南青州刺史劉道隆以獻嘉禾生建康  
蔣陵里丹陽尹王僧朗以獻

九月庚戌河濟俱清平原太守申纂以聞己巳白麋見

南陽雍州刺史永嘉王子仁以獻

閏九月木連理生邊城豫州刺史垣護之以聞

十二月戊寅淮南松木連理豫州刺史尋陽王子房以  
聞白雉見秦郡南兗州刺史晉安王子勛以獻

是年藉田芙蓉二花同蒂大司農蕭邃以獻

六年二月戊午甘露降建康靈耀寺及諸苑園及秣  
陵龍山至于婁湖

是月又降句容縣乙丑木連理生晉陵南徐州刺史新



安王子鸞以聞

三月丙午青雀見華林園

四月戊辰木連理生營陽湘州刺史建安王休仁以聞  
又白麋見休仁以獻

六月乙丑白兔見青冀二州刺史劉道隆以獻

八月乙未木連理生彭城徐州刺史王玄謨以聞辛未  
嘉禾生樂陵青冀二州刺史劉道隆以聞乙巳白雀見  
齊郡道隆以獻

是月白兔見北海

七年正月庚寅白麈見南陽荊州刺史臨海王子頊以獻已酉珊瑚連理生鬱林始安太守劉劭以聞

三月辛巳白鵲見汝南安陽太守申令孫以獻丙申甘露降尋陽松滋太守劉勝以聞

四月乙未白雀見廬陵王第廬陵王敬先以獻己未甘露降荊州城內刺史臨海王子頊以聞乙丑白雀見歷陽太守建平王景素以獻

五月辛未白雀見汝陰豫州刺史垣護之以獻

六月己未白麇見武陵臨沅太守劉衍以獻

是月白雀見寶城南豫州刺史尋陽王子房以獻

是月江夏蒲圻獲銅路鼓四面獨足郢州刺史安陸王子綏以聞

八月乙未毛龜見新安王子鸞第獲以獻

九月癸未白麇見南陽雍州刺史劉秀之以獻

十月丁卯白雀見建康丹陽尹永嘉王子仁以獻

十一月車駕幸南豫州習水軍于梁山有白雀二集華蓋有司奏改大明七年為神爵元年詔不許

十二月辛丑朔甘露降吳興烏程令苟卞之以聞

六年八月甲子白鹿見衡陽郡湘州刺史江夏王世子伯禽以獻

八月丁卯白雉見南郡江陵荊州刺史臨海王子頊以獻

前廢帝永光元年正月丙午白雉見渤海青州刺史王

玄謨以獻

三月甲午朔白雉見新蔡豫州刺史劉德願以獻

四月乙亥白雀見會稽東陽州刺史尋陽王子房以獻

六月丙子白雀見彭城徐州刺史義陽王昶以聞

冊府元龜卷二百一

欽定四庫全書

冊府元龜卷二百二

宋 王欽若等 撰

閏位部

祥瑞第二

宋明帝泰始元年二月丙寅揚州淮水清潔有異於常  
州治中從事史張緒以聞乙亥白鹿見宣城宣城太守  
劉勰以聞己亥白鹿見長沙湘州刺史劉韞以獻

二年三月丙午黃紫雲從景陽樓出隨風回又乃消華林園

令臧延之以聞

四月乙未甘露降上林苑苑令徐承道以獻庚申甘露降華林園園令臧延之以獻

五月甲寅赭中獲石柏長三丈二尺廣三尺五寸揚州刺史建安王休仁以獻乙亥甘露降丹陽秣陵縣舍齋前竹丹陽尹王景文以獻

六月丁巳白烏見吳郡海鹽太守顧顛之以獻己卯日入後有黃白赤白氣東西竟天光明潤澤久乃消



是月白燕見零陵獲以獻

七月戊子白雀見虎檻洲都督征討諸軍建安王休仁以聞己酉嘉禾生會稽永興太守巴陵王休若以聞

八月丙辰朔四眼龜見會稽會稽太守巴陵王休若以獻五城澳池二蓮同幹都水使者羅僧愍以獻戊午嘉瓜生南豫州刺史山陽王休祐以獻己未豫州刺史山陽王休祐獻蓮二花一帶丙寅六眼龜見東陽長山文如文卦太守劉勰以獻

是月於赭圻城南得紫玉一段圍三尺二寸長一尺太宗攻為二爵以獻武文二廟

九月庚寅青雀見京城內南徐州刺史桂陽王休範以獻壬寅白烏見吳興烏城太守都顛以獻

十月己巳幸華林天淵池白魚躍入御舟

三年二月壬寅白鼠見樂安青州刺史沈文秀以獻

五月癸酉白麋見南東海丹徒南徐州刺史桂陽王休範以獻乙亥白鴈鴝見京兆雍州刺史巴陵王休若以

獻乙卯白麈見北海都昌青州刺史沈文秀以獻

十一月乙卯盱眙獲石柏寧朔將軍段佛榮以獻庚申  
甘露降晉陵太守王蘊以聞癸亥甘露降南東海丹徒  
建岡南徐州刺史桂陽王休範以聞

十二月壬午甘露降崇寧陵揚州刺史建安王休仁以  
聞

四年十一月辛未崇寧陵尚書言自大明八年至今四  
年二月宣太后陵明堂前後有光及五色雲又芳香四

滿又五彩雲在松下狀如車蓋

五年正月癸卯白麈見汝陰樓煩豫州刺史劉劭以獻  
五月壬戌豫章南昌獲古銅鼎容斛七斛江州刺史王

景文以獻

六月甲子嘉蓮生湖熟南臺侍御史竺曾度以聞

十月庚辰郢州獲玄璧廣八寸五分安西將軍蔡興宗  
以獻

六年六月壬子嘉蓮生東宮玄圃池皇太子以聞

七月壬午白雀二見廬陵吉陽內史江孜以聞

九月己巳八眼龜見吳興故鄣太守褚淵以獻

十二月乙未白鹿見梁州刺史杜幼文以聞

十年四月戊申夜京邑崇虛館堂前有黃氣狀如寶蓋

高十許丈漸有五色道士陸脩靜以聞

六月甲寅義陽郡獲銅鼎受一斛并蓋並隱起鏤豫州

刺史段佛榮以獻

泰豫元年四月己酉會稽山陰思義醴泉出太守蔡興

宗以聞

六年辛丑白雀見廣州刺史孫超以聞

十月壬戌白麋見義興國山太守王蘊以獻義興陽羨  
縣獲毛龜太守王蘊以獻

後廢帝元徽元年正月甲午白麋見海陵寧海太守孫  
嗣之以獻

二年三月甲子白鹿見鬱州青冀二州刺史西海太守  
劉善明以獻

四年三月醴泉出昌國白鹿山其味甚甘

十一月乙巳甘露降吳興烏程太守蕭惠明以聞

五年四月己巳白雀二見尋陽柴桑江州刺史邵陵王友以獻

順帝昇平二年十一月甘露降南東海武進彭山太守謝頊以聞又甘露降長城下山太守王奐以聞

十二月甘露降建康禁中里

是年宣城山中生紫芝一株在所獲以獻

三年三月白虎見歷陽龍元縣新昌村新昌嘉名也瑞應圖王者不暴白虎出白虎仁獸也

是年騶虞見東安縣五界山獅子頭虎身龍腳詩傳曰騶虞獸白虎黑文不食生物至德則出

南齊太祖建元元年正月拜皇太子日有慶雲在日邊又新蔡郡固始縣嘉禾一莖五穗

四月有司奏延陵令戴景度稱所領季子廟舊有湧井二所廟祝列云舊井北忽聞金石聲即掘深三尺得沸



泉其東忽有聲錚錚又掘得泉沸湧若浪中得一銀木簡  
長一尺廣二寸上有隱起文曰廬山道人張陵再拜謁  
闕起居簡木堅白而字色黃謹按瑞應圖浪井不鑿自  
成王者清靜則仙人主之孔氏世錄云叶精帝道孔書  
明巧當在張陵宋均註云張陵佐封禪一云陵仙人也  
五月白鳥見巴郡

八月男子王約獲白雀一頭

九月甘露降淮南郡桃石榴二株有司又奏甘露降汲

縣王安世園樹秣陵縣獲白雀一頭

十月涪陵郡蠻民田健所住崑間常留雲氣有聲響徹  
若龍吟求之積歲莫有見者去四月二十七日崑數里  
夜忽有雙光至明往獲古鐘一枚又有一器名罇于蠻  
人以為神物奉祠之

十一月固始縣獲嘉禾一莖九穗

是年

臣欽若等曰  
史臣不書月

郢州監利縣天井湖水色忽澄清出

綿百姓採以為繡

三年華林園醴泉堂東忽有瑞雲周圍十許丈高下與景  
雲樓平五色藻密光彩映山徘徊良久轉南行過長船入  
華池大鳥集東陽郡太守沈約表云鳥身備五彩赤色  
居多紫樂緯叶圖徵云焦明鳥質赤至則德之感也

武帝永明元年五月木連理生安成新喻縣又生南梁  
陳縣郢州丁坡屯獲白雀一頭

閏月璿明殿外閣南槐樹連理新蔡縣獲嘉禾二莖九  
穗一莖七穗鹽官縣內村木連理

二年正月冠軍將軍周晉孫於石頭北廂將堂見地有異光照城堞往獲玉璽一鈕方七分文曰明玄君

四月白雀集郢州府館又甘露降南郡桐樹

五月白雀見會稽永興縣

七月新冶縣槐栗二木合生異根連理去地數尺中央小開上復為一又烏程縣陳文則家槿樹連理

九月有司奏上虞縣楓樹連理兩根相去九尺雙株均聳去地九尺合成一幹故鄞縣楓樹連理兩株相去七

尺大八圍去地一丈仍相合為樹泯如一木山陽縣界  
若耶村有一槻木合為連理淮陰縣建業寺木連理建  
康縣梨樹耀襪五圍連理六枝

十一月魏國民齊祥歸入靈丘關聞殷然有聲仰視之  
見山側有紫氣如雲衆鳥回翔其間祥往氣所獲墮方  
寸四分獸鈕文曰坤維聖帝永昌送與魏太后師道人  
慧度欲獻魏主慧慶覩其文窺謂當今衣冠正朔在于  
齊國遂附道人慧臧送京師因羽林監崔士亮獻之

是年江陵縣獲白鼠一頭又休安陵獲白龜一頭又彭澤縣獲白雉一頭又順陽丹光縣山下得古鼎一枚又護軍府門外桑樹一株並有蠶絲綿被枝莖漢光武時有野蠶成繭百姓得以衣服今則浮波幕樹其亦此之類乎

三年正月安成縣榆樹二株連理

四月白雀見臨汝縣

七月安成王嵩第獲白雀一頭又始興郡民龔玄宣云去年二月忽有一道人乞食因採懷中出篆書真經一

卷六紙又表北極一紙又移付羅漢居士一紙云從兜  
率天宮下使上送天子因失道人所在玄宣又稱神人  
授皇帝璽龜形長五寸廣二寸厚二寸五分上有天子  
字中央蕭字下有萬世字

八月梁郡睢陽界野田中獲嘉禾一莖二十三穗

九月南郡江陵縣獲白雀一頭又句陽縣之穀山槿樹  
連理異根雙挺共杪為一

十一月永寧左郡楠木連理

是年越州南高涼佳人海中網魚獲銅獸一頭銘曰作寶鼎齊臣萬年子孫承寶

四年二月甘露降臨湘縣李樹

三月甘露降南郡桐樹三足鳥巢南安中陶縣庭中又秣陵縣喬天明園中李樹連理生高三尺五寸兩枝別生復高三尺合為一幹又白虎見安蠻虔化縣

四月甘露降睢陽縣桃樹

是年丹陽縣獲白兔一頭東昌縣山自比歲以來常發



異響去二月十五日有一巖禡落縣民方元泰往視於巖下得古鐘一枚青龍見順陽郡清水縣平泉湖

五年正月秣陵縣華僧秀園中四樹連理

三月豫寧縣長崗山獲神鐘一枚

四月甘露降荊州府中閣外桐樹

六年建城縣昌城田獲四目龜一頭腹下有萬齊字

八月延寧縣王忠獲六目龜一頭腹下有萬歡字并有

卦兆

九月莒縣獲嘉禾一株

是年山陰縣孔廣家園檉樹十二層會稽太守隋王子  
隆獻之種芳林苑鳳光殿西武騎常侍唐潛上青毛神  
龜一頭望蔡縣獲白鹿一頭南豫州刺史建安王子真  
表獻金色魚一頭

六年四月江寧縣北界賴鄉齊平里三城邈門外路東  
太常蕭惠基園援樹二株連理其高相去二尺南大北  
小小者傾柯南附合為一枝葉繁茂圓密如蓋

是年白鼠見芳林園蒲濤縣亮野村獲白麀一頭甘露  
降芳林園故山堂桐樹

七年六月鹽官縣獲白雀一頭

是年黃龍見曲江縣黃池中一宿二日越州獻白珠  
自然作思惟佛像長三寸起禪靈寺置剝下江寧縣  
李樹二株連理兩根相去一丈五尺鬱林獲白雉一  
頭荊州獲白麀一頭又吳郡太守江敷於錢塘縣獲  
蒼玉璧一枚以獻又齊興太守劉元寶治郡城於塹

中獲錢數百萬形極大以獻臺為瑞世祖班賜朝臣  
以下各有差又主書朱靈讓於浙江得靈石十人舉  
乃起在水深三尺而浮世祖親投於天淵池試之刻  
為佛像

八年三月武陵白沙戍槻木連理相去五尺俱高三尺  
東西二枝合而通柯

四月陽羨縣獲白烏一頭

五月陽城縣獲紫芝一株

十二月柴桑縣陶委天家樹連理

是年餘干縣獲白麋一頭天門臨澧縣獲白雀一頭巴陵郡連理四株又天忽黃色照地衆莫能解司徒法曹王融上金天頌云是即金天所謂榮光武帝大悅始興郡昌樂村獲白鳩一頭又餘干縣獲白麋一頭

九年五月長山縣獲神龜一頭腹有異兌卦

七月吳郡錢塘縣獲白雀一頭

八月豫州獲白雀一頭甘露降上定林寺佛堂庭中天如

雨遍地如雪其氣芳其味甘耀日舞風至晡乃止爾後  
頻降鍾山松樹四十餘日乃止

十月甘露降大安陵樹

十一月寧蜀廣漢縣田所墾地八尺四寸獲古鍾一枚  
形高三尺八寸圍四尺七寸懸柄長一尺二寸合高五  
尺四面各九孔夜中於陶所九間見有白光窺尋無物  
自後夜夜輒復有光既經旬日村民張慶宣丸作屋又  
於屋間見光焰內外慶宣疑之以告孔休先乃共發視獲

玉墮一鈕璧方八寸上有鼻文曰帝真又曲阿縣民黃慶宅左有園園東南廣袤四丈每種菜輒鮮異雖加採掇隨復更生夜中長有白光皎質屬天狀似懸絹慶疑非常請師卜侯道士傅德占使掘之深三尺獲玉印一鈕文曰長祿萬福

是年臨湘縣獲白鹿一頭義陽安昌縣獲白麋一頭秣陵縣鬪場里安明寺有古樹衆僧改架屋宇伐以為薪剖樹木裏自然有法大德三字

又始興郡本無樨樹調味有闕世祖在郡堂屋後忽生  
一株

十年五月齊郡獲白雀一頭

六月海陵齊昌縣獲嘉禾一莖六穗

是年青州獲白雉一頭司州清激戍獲白麀一頭蘭陵  
民齊伯生於六合山獲金璽一鈕文曰年子主青州涖  
液戍獲白雉一頭

十一年九月睢陽縣里中獲嘉禾一株



是年廣陵海陵縣獲白麋一頭

鬱林王隆昌元年正月襄陽縣獲紫芝一莖

四月陽羨縣獲白烏一頭

和帝中興二年正月邏將潘道益于山石穴中獲毛龜  
一頭

二月白虎見東平壽張安樂村

三月甘露降茅山彌漫數里

是年山上雲障四塞頃有玄黃五色如龍形長十餘丈

從西北昇天

梁高祖天監元年七月癸卯鸞鳥見樂遊苑

四年四月自甲寅至壬戌甘露連降華林園

五月建康縣朔陰里生嘉禾一莖十二穗

八月庚子老人星見

五年四月丙申廬陵高昌之仁山獲銅劍二始豐縣獲

八目龜一

八月戊戌老人星見

六年二月甲辰老人星見

六月新吳縣獲四目龜一

九月嘉禾一莖九穗生江陵縣

七年四月辛未秣陵縣獲靈龜一

八月甲戌老人星見

十一月辛巳鄞縣言甘露降

八年二月壬戌老人星見

八月戊午老人星見

九年七月己巳老人星見

十年二月戊申闕虞一見荊州華容縣五月癸酉安豐縣獲一角玄龜乙酉嘉蓮一莖三花生樂遊苑

十二月癸酉山車見于臨成縣

十一年二月新昌濟陽二郡野蠶成繭

十三年二月丁亥老人星見

十四年二月戊戌老人星見

八月乙未老人星見

十五年八月老人星見

十六年二月庚戌老人星見

四月朔溝獲白雀

八月辛丑老人星見

十七年二月甲申老人星見

八月壬寅老人星見

十八年二月戊午老人星見

七月甲申老人星見

普通元年二月壬子老人星見

八月庚戌老人星見

二年七月甲寅老人星見

三年八月甲子老人星見

四年二月庚午老人星見

八月丁卯老人星見

五年二月丁丑老人星見

六年二月丁丑老人星見

八月壬午老人星見

七年二月丁亥老人星見

大通元年八月壬辰老人星見

二年二月甲子老人星見

中大通二年正月癸未老人星見

三年二月甲寅老人星見

八月癸巳老人星見

是歲吳興郡生野穀堪食

四年二月壬寅老人星見丙辰邵陵縣獲白鹿一

五年正月辛卯輿駕親祀南郊先是一日丙夜南郊令  
解滌之等到郊所履行忽聞空中有異香三隨風至及  
將行事奏樂迎神畢有神光圓滿壇上朱紫白黃雜色  
食頃方滅兼太宰武陵王紀等以聞

二月己丑老人星見

八月庚申老人星見

大同元年三月己卯老人星見



七月乙卯老人星見

二年二月丙戌老人星見

三年二月乙酉老人星見

八月甲申老人星見

六年二月秦郡獻白鹿一

六月丁未平陽縣獻白鹿一

九月始平太守崔碩表獻嘉禾一莖十二穗

敬帝紹泰元年冬至二年三月甘露頻降于鍾山梅岡

南澗及京口江寧縣境或至三數升大如奕棋子陳高祖表以獻臺

二年二月前寧遠石城公外兵參軍王位于石頭沙際獲玉璽四紐

陳高祖永定元年十一月甘露降于鍾山松林彌漫岩石谷庚子開善寺沙門採之以獻勅頒賜羣臣

二年四月重雲殿東鴟尾有紫煙屬天

文帝天嘉元年正月辛未輿駕親祠北郊日有寇

廢帝光大二年五月丙辰太傅安成王獻玉璽一

宣帝大建二年閏四月乙卯儀同黃法甄獻瑞璧一

四年八月丁丑景雲見

十二月壬寅甘露降樂遊苑

五年五月癸丑景雲見

七年四月壬子郢州獻瑞鍾六

閏九月壬辰甘露頻降樂遊苑

十二月甲子南康郡獻瑞鍾一

八年正月庚辰西南有紫雲見

東魏孝靜天平二年二月員外散騎常侍穆禮得玉板  
一廣三寸長五寸頭有兩孔以獻

四月臨水縣木連理

五月北豫州獻白雀

七月齊獻武王獲白烏以獻魏郡木連理

八月光州獻白兔

三年正月青州獻白雉

五月司州上言清河郡木連理

七月魏郡獻嘉禾京師獻白雀

四年二月青州獻白雉

四月西兗州獻白狐

六月廣平郡上言木連理

七月兗州獻白雀光州獻白兔又獻九尾狐

八月并州上言木連理又獻嘉禾京師又獲嘉禾虞曹

郎中司馬仲璨又獻嘉禾一莖五穗

十二月梁州獻白雉

元象元年正月有巨象自至礪郡波中南兗州獲送于鄴大赦改元

二月雒州上言木連理

四月光州獻九尾狐

五月冀州獲白烏林慮縣上言木連理京師獲白雀徐州獲白兔

六月京師獲白雀齊獻武王獲白兔以獻

濮陽郡獲白兔齊獻武王獲白鹿以獻

七月肆州獻白雀是月齊獻武王獲白雀以獻

八月東雍州獻嘉禾上黨郡言木連理西中府獻白燕  
興和元年正月魏郡繁陽縣獻白雉

二月光州獻九尾狐

三月甘露降于京師

四月京師獲三足鳥

五月京師獲白雀

六月齊文襄王獲白雀以獻南兗州獲白雀

七月京師獲白雀

八月徐州表濟陰郡廳事前槐樹烏巢于上烏母死有鵲銜食哺烏兒不失其時竝皆長大賞太守帛十疋

九月有司奏西山採材司馬張神和上言司空谷木連理

二年四月光州上言盧鄉縣木連理京師獲白雀徐州獻白兔



閏月京師獻白雀

五月京師獲白雀又獲白燕

六月京師獲白兔光州獻白雀

七月京師獲白雀

三年二月東郡白馬縣民獻玉印一

五月司州獻九尾狐京師獲白雀

八月南青州獻嘉禾

十二月魏郡獻白狐

四年正月京師獲白雀光州獲白兔

四月魏郡貴鄉縣獲白烏雒瀛州獻白狐二

五月京師獲白烏陽夏郡獻白烏濟州獻蒼烏

六月京師獲白雀

七月瀛州獻蒼烏鄴縣民獻白玉一璞北豫州獻白烏

京師獲白雀

十月瀛州獻白雀

武定元年正月廣宗郡獻白雉兗州獻白雉

二月瀛州獻白兔青州獻白雉

四月兗州獻蒼烏

五月梁州獲白雀濟州獻蒼烏

六月兗州獻白鹿京師獲白雀東郡民獻白烏

七月京師獲白雀幽州獲白狐以獻

八月西兗州上言濟陰郡

九月齊獻武王上言并州木連理汲郡獻白兔

十月兗州獻白雀

二年五月京師獲蒼烏

七月林慮縣獻白鵲

八月京師獲嘉禾

三年五月瀛州獻三足烏北豫州獻白烏廣宗郡獻白

烏潁州獻白烏梁州獻白雀

六月京師獲蒼烏滄州獻白烏京師又獲白雀北豫州

獻白燕

七月瀛州獻白狐二牡一牝光州獻蒼烏京師獲白雀

八月并州獻嘉禾

九月西兗州獻白狐瀛州上言河間郡木連理

十月有司奏南兗州陳留郡民賈興達於家庭得毛龜  
一兗州獻白雀

四年三月青州獻白雉

四月梁州獻白烏潁州獻三足烏

五月濟州獻白烏潁州又獻三足烏

六月京師獲白雀

八月陽夏郡獻白鳥

五年十月甘露降齊文襄王第門柳樹

十一月汾州上言木連理

六年三月甘露降于京師

四月太山郡上言甘露降

五月晉州上言木連理

六月京師獲白雀

十一月武平鎮獻白兔

七年七月瀛州獻白麋

八年四月青州上言齊郡木連理

北齊文宣帝以東魏武定八年五月受禪是日京師獲赤雀獻於南郊又光州獻九尾狐

武成帝河清元年四月青州刺史上言今月庚寅河濟清改大寧二年為河清

梁太祖開平元年正月壬寅帝至自長蘆是日有五色雲覆于府署之上又丙辰慶雲見丁巳宋州刺史王舉

進赤烏一

四月乙丑潁州刺史張實進白兔一戊辰宋州刺史王  
臯進兩歧麥陳州袁象先進白兔一付史館編錄兼示  
百官

五月丙戌荊州高季昌進瑞橘七十顆是月宿州刺史  
王儒進白兔一濮州刺史圖嘉禾瑞麥以進

八月甲子平明前老人星見于南極壬申密州進嘉禾  
又有合歡榆樹並圖形以獻是月隰州奏大寧縣



至固鎮上下二百里今月八日黃河清至十月如故

十一月廣南管內獲白鹿竝圖形來獻耳有兩缺按符瑞圖鹿壽千歲變白耳一缺今驗此鹿耳有二缺其獸與色皆應金行寶表嘉瑞

二年四月鄆陵居人程震以兩歧麥穗并畫圖來進八月甲寅太史奏壽星見于南方甲子廣州上言白龍見圖形以進


三年八月司天臺奏今月二十七日平明前東南丙上去山高三尺以來老人星見測在井宿十一度其色光明濶大

十一月司天臺奏冬至日自夜半後祥風微扇帝座澄明至曉黃雲捧日

四年四月丁卯宋州節度使衡王友諒進瑞麥一莖三穗

八月辛未老人星見

乾化元年八月癸亥老人星見



冊府元龜卷二百二

欽定四庫全書

子部

冊府元龜卷二百三十六

三至

詳校官中書臣涂日煥

員外郎臣牛稔文覆勘

總校官庶吉士臣何思鈞

校對官學正臣李巖

謄錄監生臣沈立銘

欽定四庫全書

冊府元龜卷二百三十一

宋 王欽若等 撰

閏位部

徵應

自古帝王世之季豪傑並起雖雄視一方而靈徵不絕者蓋天意諄諄贊明羣衆之所嚮也若夫肇自載育玄感特異寤茲吉夢神貺彌昭或應識自許軌迹有開或物色紛紜符節斯合豈獨觀竒表命于元龜而後知其

享國保民也

蜀先主涿郡縣人也少孤與母販履織席為業舍東南角籬上有桑樹生高五丈餘遙望見童童如小車蓋往來者皆怪此樹非凡或謂當出貴人先主少時與宗中諸小兒於樹下戲言吾必當乘此羽葆蓋車叔父子敬謂曰汝勿妄語滅吾門也又漢靈帝時董扶為侍中私謂太常劉焉曰京師將亂益州分野有天子氣焉信之遂求出為益州牧扶亦求為蜀郡蜀國都尉其後先主

稱天子於蜀皆如扶言

吳大帝權母吳夫人初孕而夢月入其懷既而生策及  
權在孕又夢日入其懷以告其夫堅曰昔妊策夢月入  
懷今也又夢日入我懷何也堅曰日月者陰陽之精極  
貴之象吾子孫其興乎初堅世仕吳家于富春葬於城  
東冢上數有光怪雲氣五色上属于天蔓延數里衆皆  
往觀視父老相謂曰是非凡氣孫氏其興矣及母懷妊  
堅夢腸出繞盈昌門寤而懼之以告鄰母鄰母曰安知



非吉徵也

廢帝亮母潘夫人既得幸有娠夢有龍頭授已者已以蔽膝受之遂生亮

景帝休初封琅琊王居會稽夢乘龍上天顧不見尾覺而異之及亮廢帝休立七年薨孫皓悉誅其子

宋高祖生夕甘露降于墓樹微時伐荻新洲見大蛇長數丈射之傷明日復至洲裏聞有杵臼之聲往覘之見童子數人皆青衣於榛中擣藥問其故答曰我王為劉

寄奴所射合散傳之

臣欽若等曰寄奴帝之字

帝曰王神何不殺之

答曰寄奴王者不死不可殺帝叱之皆散乃收藥而反  
又遇一沙門于逆旅沙門言中原事故因云江表尋當  
喪亂高祖曰當有拯之者不沙門曰能拯之者其唯君  
乎其意甚至初帝先患手創積年未療沙門曰此瘡難  
治先有良藥當以相與因出懷中黃散治瘡一傳而愈  
餘散寶錄之被金瘡輒用有驗又嘗遊京口竹林寺獨  
卧講堂前有五色龍童衆僧見之驚以白帝帝獨喜曰

上人無妄言帝皇考墓在丹徒之侯山其地秦史所謂  
曲阿丹徒間有天子氣者也時有孔恭者妙善占墓帝  
嘗與經墓問之曰此墓如何孔恭曰非常地也帝繇是  
益自負行止時見二小龍附翼樵漁山澤同侶或亦覩  
焉及貴龍形更大帝東征孫恩至會稽過孔季恭宅季  
恭正晝卧有神人衣服非常謂曰起天子在門既而失  
之遽出適見武帝延入結交執手曰卿後當大顯貴願以  
身為託於是曲意禮接甚厚及將受晉禪太史令駱達

陳天文符瑞數十條

文帝初為荊州刺史廢帝景平中有龍見西方半天騰上廡五綵雲京都遠近聚觀太史奏曰西方有天子氣帝入奉大統帝及議者皆疑不敢下鎮西長史王曇首與到彥之從兄華固勸帝猶未許曇首又固陳并言天人符應帝乃下率府州文武嚴兵自衛臺所遣百官衆力不得近部伍中兵叅軍朱容子抱刃在平乘戶外不解帶者累旬既下在道有黃龍出負上所乘舟左右皆

失色帝謂曇首曰此乃夏禹所以受天命我何堪之

孝武帝初封武陵王為北中郎將以顏峻為府主簿沙  
門德合粗有學義謂顏峻曰貧道粗見識記當有真人  
應符名稱次第屬在殿下峻在彭城常向親人叙之其  
言遂宣布聞於太祖時元凶巫蠱事已發故帝不加推

治

南齊太祖生二歲乳人乏乳皇妣孝皇后夢人以兩甌  
麻粥與之覺而乳大出異而說之帝舊宅在武進縣宅

南有一桑樹高三丈橫生四枝狀似華蓋帝年數歲好戲其下從兄敬宗曰此樹為汝生也帝年十七夢乘青龍西行逐日日將薄山乃止覺而恐懼家人問占者云至貴之象也蘓侃云青者木色日暮者宋氏末運也宋泰始二年明帝遣前淮南太守孫奉伯往淮陰監元會奉伯舊與帝款是行也帝與奉伯同室卧奉伯夢帝乘龍上天于下捉龍脚不得及覺叙夢因謂曰兗州當大庇生靈而弟不得與也奉伯竟卒於宋世帝在日陰治

城得一錫跌大數尺下有篆文莫能識者紀僧真曰何  
須辨此文字此自久遠之物九錫之徵也帝曰卿勿妄  
言又宋世芮國相希利賈解星筭數術通胡漢語嘗言  
南方有姓名齊者其人當興又宋朝初議封帝為梁公  
輔國主簿崔祖思啟帝曰讖書云金刀利刃齊割之今  
宜稱齊實應天命從之帝居武進彭山岡阜相屬數百  
里不絕其上常有五色雲氣有龍出焉帝時已貴矣明  
帝甚惡之遣善占墓者高靈文往墓所占相靈文先結

事太祖還詭答曰不過出方伯耳密白太祖曰貴不可  
言明帝意猶不已遣人踐藉以左道厭之後於所樹華  
表柱忽龍鳴震響山谷及明帝寢疾為身後之慮多翦  
功臣帝亦見疑每云蕭道成有不臣相帝鎮淮陰每懷  
憂懼忽見神人謂帝曰無所憂子孫當昌盛元徽四年  
太祖從南郊望相氣者陳安寶見太祖身上黃紫氣屬  
天安寶謂親人王洪軌曰我少來未嘗見君上有如此  
氣也又叅軍崔靈建夢天謂已蕭道成是我第十九子



我去年已使授其天子位考自三皇五帝已降受命之次至帝為十九也又所居武進縣有一道相傳云天子路或謂秦皇所游或云孫氏舊迹時訛言東城天子出其後建安王休仁鎮東府明帝懼殺休仁而嘗閉東府不居明帝又屢幸以厭王氣又使子安成王居之及蒼梧王敗安成王代立時咸言為驗術數者推之帝舊居武進東城村東城之言其在此也昇明二年冬延陵縣季子廟沸井之北忽聞金石聲疑其異鑿深三尺沸井

奔湧若浪其地又響即復鑿之復得一井湧沸亦然井  
中得一木簡長一尺廣二分上有隱起字曰廬山道士  
張陵再拜詣闕起居簡大堅白字色乃黃會稽剡縣有  
山名刻石父老相傳云山雖名刻石而不知名字所在昇  
明末縣人倪襲祖行獵忽見石上有文字凡三處苔生  
其上字不可識乃去苔視之其大石文曰此齊者黃公  
之化氣也立石文曰黃天星姓蕭字道成得賢師天下  
太平小石文曰刻石者誰會稽南山李斯刻秦望之峯

也河雒讖曰歷年七七水滅緒風雲俱起龍鱗舉又曰  
蕭草成道德盡備宋水德也義熙元年宋武帝王業之  
始至齊受命七十七年又讖曰蕭為一土天下樂一土王  
字也郭文舉金雄記曰當後有作蕭入草也王子年歌  
曰金刀治世後遂苦帝王昏亂天神怒災異屢見戒人  
主三分二叛失州土三王九江一在吳餘悉稚小早少  
孤一國二主天所驅金刀劉也三分二叛宋明帝世也  
三王九江孝武於九江興晉安王子勛雖不終亦稱大

號後世祖又於九江基霸迹此三王也一在吳謂齊氏  
桑梓亦寄治南吳也一國二主謂太祖符運潛興為宋  
氏驅除寇難歌又曰三木慘慘林茂孳金刀利刃齊刈  
之金刀劉也刈剪也欲知其姓草肅肅穀中最細低頭  
熟鱗身甲體永興福穀中精細者稻也即道也熟猶成  
也孔子河雒讖曰竭河梁塞龍泉消除水災泄山川水  
即宋也宋氏為災害故曰水災梁亦水也竭河梁則行  
路成矣路猶道也消除水災除宋氏之災害也河圖讖

又曰上參南斗第一星下立草屋為紫庭龍神之岡梧  
桐生鳳鳥舒翼翔且鳴南斗吳分野也草屋蕭字象也  
又簫管之器像鳳鳥翼也識又曰天子何在草中宿宿  
肅也又曰先是益州有山故老相傳曰齊后山昇明三  
年四月二十三日有沙門玄暢者於此山立精舍其日  
上登尊位其月二十四日滎陽郡人尹午於嵩山東南  
隅見雨石墜地石開有玉璽在其中璽方三寸文曰戊  
丁之人與道俱肅然入草應天符掃平河雒清魏都又曰

皇帝運典午奉璽詣雍州刺史蕭赤斧以獻又宋武帝於高高山得玉璧三十二枚神人云此是宋卜世之數三十二者二世也宋自受命至禪齊凡六十年然則帝之符應也

武帝小字龍兒以宋元嘉十七年六月己未夜生於建康青溪宅其夜陳孝后劉昭后同夢龍據屋上故字帝焉又其夕無火婢吹灰而火燃年十三夢人以筆畫身左右為兩翅又着孔雀羽衣裳空中飛舉體生毛髮長

至足有人指上所踐地曰周文王之田又于所住堂內  
得璽一枚文曰皇帝行璽又得異錢文為北斗星雙刀  
雙貝及有人形帶劍焉任宋為贛令江州刺史晉安王  
子勛反帝不從命南康相沈肅之繫帝郡獄族人蕭欣  
祖門客桓康寺破郡迎出帝帝遂率部曲百餘人起義  
避難揭陽山有白雀來集聞山中有清聲傳漏響又於  
山累石為佛圖其側忽生一樹狀若華蓋清翠扶疎有  
殊羣木帝將討戴凱之大饗士卒是日大熱帝各令折

荆枝自蔽言未終而有雲垂蔭正當會所會罷乃散及  
為廣興相嶺南積旱連水阻澗商旅不通帝部伍既至  
無雨而川流暴起遂得利涉後為左衛將軍於益城禦  
沈攸之益城掘塹得一大錢文曰太平百歲于時城內  
乏水欲引水入城始鑿城內過伏泉湧出如此者九處  
用之不竭

和帝即位江陵建武中荊州大風雨龍入栢齋中挂壁上  
有爪足處刺史蕭遙欣恐畏不敢居至是以為嘉福殿



梁高祖母張皇后嘗於室內忽見庭前菖蒲生華  
光采昭灼非世中所有后驚視謂侍者曰汝見不對  
曰不見后曰嘗聞見者富貴因遽取吞之又嘗夢抱日  
已而有娠遂產帝將產之夜后見庭內若有衣冠陪列  
焉生而穎異兩髀駢骨頂上隆起有文在右手曰武帝  
所居室常若雲氣人或過者體輒肅然嘗行經牛渚逢  
風入泊龍瀆有一老人謂帝曰君龍行虎步相不可言  
天下方亂安之者其在君乎問其名氏忽然不見

陰智伯與

帝隣居少相友善嘗入帝卧内見有異氣成五色因握帝手曰公後必大貴非人臣也天下方亂安蒼生者在君乎帝曰幸勿多言於是情好轉密帝每有求索如外府焉 帝在襄陽住齋嘗有五

色迴轉狀若蟠龍其上紫雲騰起形如織蓋初齊高帝夢履而登殿顧見武明二帝後一人手張地天圖而不識問之答曰順子後及崔惠景之逼長沙宣武王入援至越城夢乘馬飛半天而隆帝所馭化為赤龍騰虛獨上時臺内有宿衛士為覘嘗見太極殿有六龍各守一柱末忽失其二後在宣武王宅時宣武為益州覘乃往

蜀伏事及宣武在郢此覲還都乃見六龍俱在帝所寢齋遂去郢之雍中途遇病且死謂同侶曰蕭雍州必作天子具以前事語之推此而言盖天命也齊中興二年正月始為梁公南充州隊主陳文興于桓城內鑿井得玉鏤麒麟金鏤玉璧水晶環各二枚又建康令羊瞻解稱鳳凰見縣之桐下里齊宣德皇后稱美符瑞歸於相國府又延陵縣華陽邏主戴車牒稱去年十二月乙酉甘露降茅山彌漫數里正月己酉邏將潘道盖于山石

穴中得毛龜一二月辛酉邏將徐靈符又于山東見白  
麋一丙寅平旦山上有雲霧四合須臾有玄黃五色狀  
如龍形長十餘丈乍隱乍顯久乃從西北升天丁卯兗  
州刺史馬元和籤所領東平郡壽張縣見騶虞

元帝高祖第七子初高祖夢眇目僧執香爐稱托王宮  
既而帝母在采女次侍始褰戶幔有風迴裾高祖意感  
幸之采女夢月墮懷中遂孕天監七年八月丁巳生帝  
舉室中非常香有紫胞之異高祖竒之因賜采女姓阮

進為脩容帝在尋陽夢人曰天下將亂王必維之又背  
生黑子巫媪見曰此大貴不可言時賀革為帝府諮議  
使講三禮革西上意甚不悅過別御史中丞江革江革  
告之曰吾嘗夢主上遍見諸子至湘東王脫帽授之此  
人後必當壁御其行乎革領之大寶元年帝在江陵正  
月辛亥朔左衛將軍王僧辯獲橘三十子共蒂以獻二  
月甲戌衡陽內史周孔直表言鳳凰見郡界二年十月  
辛丑朔有紫雲如車蓋臨江陵城三年遂即帝位

陳高祖漢太丘長寔之後世居潁川寔六世孫達出為  
長城令悅其山水遂家焉嘗謂所親曰此地山川秀麗  
當有王者興二百年後我子孫必鍾斯運帝嘗遊義興館  
於許氏夜夢天開數丈有四人朱衣捧日而至令帝開  
口納焉及覺腹中猶熱帝心獨負之梁大寶初侯景寇  
京師帝起義發兵自南康南康瀨石舊有二十四灘灘  
多巨石行旅者以為難帝之發也水暴起數丈二百里  
間巨石皆沒進軍頓西昌有龍見於水濱高五丈許文

采鮮耀軍民觀者數萬人既次蔡州侯景登石頭城觀望形勢意甚不悅謂左右曰此軍上有紫氣不易可當嘗夢梁武帝以寶刀授已又嘗獨坐胡床於閣下忽有神光滿閣廊廡之間竝得相見趙知禮侍側怪而問帝帝笑不答

梁敬帝紹泰二年二月寧遠石城公外兵叅軍王位於石頭沙際獲玉璽四紐七月大府卿何敞新州刺史華志各上玉璽一高祖表以送臺詔歸之高祖太平元年九

月中散大夫王彭牋稱今月五日平旦於御路見龍迹  
自太社至象闕亘三四里帝既即位于南郊柴燎告天  
先是氛霧晝夜晦冥至於是日景氣清晏識者知有天  
道焉

文帝徵時嘗詣劉仲舉時天陰雨仲舉獨坐齋內聞城  
外簫鼓之聲俄而帝至仲舉異之乃深結託帝又嘗因  
飲夜宿仲舉帳中忽有神光五彩照於室內繇是祇錄  
益恭梁太清初夢兩日鬪一大一小大者光滅墜地色



正黃其大如斗帝因而懷之

宣帝梁大通二年七月辛酉生有赤光滿堂室事梁元帝為中書侍郎時有馬軍主李恩與帝有舊每同遊處帝嘗夜被酒張燈而寐總適出尋反乃見帝身是大龍北齊神武帝皇考樹性通率不事家業居住白道南數有赤光紫氣之異鄰人以為怪帝欲徙居以避之皇考曰安知非吉居之自若後神武自隊主轉為函使嘗乘驛過建興雲霧晝晦雷聲隨之半日乃絕若有神應

者每行道路往來無風塵之色又嘗夢履衆星而行覺而內喜又與懷朔省事雲中司馬子如及秀容人劉貴中山人賈顯智為奔走之友懷朔戶曹史孫騰外兵史侯景亦相友結劉貴嘗得一白鷹與神武及尉景蔡雋司馬子如賈顯智等獵於沃野見一赤兔每搏輒逸遂至迥澤澤中有茅屋將奔入有狗自屋中出噬之鷹兔俱死神武怒以鳴鏑射之狗斃屋中有二人出持神武襟其母兩目盲曳杖謂其二子曰何故觸大家出甕中

酒烹羊以飯客因言暗相諸人皆曰貴而指揮俱繇神武又曰子如歷位顯智不善終飯竟出行數里還更訪之則本無人居乃向非人也繇是諸人益加敬異後抵揚州邑人麗蒼鷹止團焦中每從外歸主人遙聞行響動地蒼鷹母數見團焦赤氣赫然屬天又蒼鷹嘗夜欲入有青衣人拔刀叱曰何故觸王言訖不見始以為異密覘之唯見赤蛇蟠床上乃益驚異因殺牛分肉厚以相奉蒼鷹母求以神武為義子及得志以其宅為第號為

南宅雖門卷開廣堂宇崇麗其本所住團焦以石堊塗之留而不毀至文宣時遂為宮初魏真君中內學者奏言上黨有天子氣云在壺關大王山太武於是南巡以厭當之累石為三封斬其北鳳凰山以毀其形後上黨人居晉陽者號上黨坊神武實居之普泰初歲星熒惑鎮星太白聚於觜參色甚明太史占云當有王者興是時神武起於信都破爾朱兆等天平元年二月永寧寺九層浮圖災既而人有從東來至云及海上人咸見之

於海中俄而霧起乃滅說者以為天意若曰永寧見災魏不  
寧矣飛入東海渤海應矣三年六月壬申神武如天池  
獲瑞石隱起成文曰六王三川于時楊休之為行臺郎  
中帝獨在帳中間之此文字何義對曰六者是大王之  
字王者當有天下此乃大王符瑞命之徵既於天池中  
得此石可謂天意王命也吉不可言帝又問三川何義休  
之曰河雒伊為三川亦謂涇渭雒為三川河雒伊雒陽  
也涇渭雒若雍州也大王今受天命終應統有闕右帝

曰世人無事嘗道我欲反今聞此更致紛紜慎莫妄言也初帝從父弟岳家于雒邑帝每奉使入雒岳母山氏常夜起見帝室中有光密往覘之乃無燈即移帝於別室如前所見怪其神異詣卜筮之過乾之大有占之曰吉稱飛龍在天大人造也飛龍九五大人之卦貴不可言山氏歸報帝後帝起兵於信都山氏聞之喜謂岳曰赤光之瑞今當驗矣汝可間行從之共圖大計岳遂往信都帝見之大悅

文襄帝高祖長子母婁太后初夢一斷龍遂孕帝

文宣帝文襄母弟太后夢大龍首尾屬天地張口動目  
勢狀驚人因孕帝每夜有赤光照室后私嘗怪之初神  
武之歸爾朱榮時經危亂家徒壁立后與親姻相對共  
憂寒餒帝時尚未能言歛然應曰得活太后及左右大  
驚而不敢言及長鱗身重蹠不好戲弄深沈有大度晉  
陽曾有沙門乍愚乍智時人不測呼為阿秃帝曾與  
諸童共見之歷問祿位至帝舉手再三指天而已口無

所言見者異之

神武帝從諸子過鳳陽門有龍在上唯神武與帝見之  
後從文襄行過遼陽山獨見天門開餘人無見者東魏  
武定七年赴晉陽摠庶政八年進封齊王自居晉陽寢  
室夜有光如晝既為王夢人以筆點已額且以告館客  
王曇哲曰吾其退乎曇哲再拜賀曰王上加點便成主  
字乃當進也乾明二年二月文襄終時訛言上黨出聖  
人帝聞之將徙一郡郡人張思進上言殿下生於南宮



坊名上黨出聖人帝悅而止先是童謠曰一束藁兩頭  
然河邊殺獍飛上天蒿然兩頭於文為高河邊殺獍為  
水邊羊指帝名也於是徐之才盛陳宜受禪且識云羊  
飲盟津角駐天盟津水也羊飲水王名也角駐天天位  
也又陽平郡界迴呈驛傍有大水土人常見羣羊數百  
立卧其中就視不見事與讖合願王勿疑帝以問高德  
正德正又贊成之於是始決乃使李密卜之遇大橫曰  
大吉漢文帝之卦也帝乃鑄像以下之一寫而成及將

受禪是年四月夜禾生魏帝銅研且長數寸有穗

孝昭帝文宣母弟太后夢螭龍于地遂孕帝

武成帝孝昭母弟太后夢龍浴於海遂孕帝

後主武成帝長子母曰胡皇后夢於海上坐玉盆日入  
晨下遂有娠天保七年五月五日生帝於并州邸

梁太祖以唐大中六年歲在壬申十月二十一日夜生  
於碭山縣十溝里是夕所居廬舍之上有赤氣上騰里  
人望之皆驚奔而來曰朱家火發矣及至則廬舍儼然

既而隣人以誕辰告衆咸異之帝仲昆三人俱未冠而孤母王氏携養寄於蕭縣人劉崇之家帝既壯不事生業以雄勇自負里人多厭之崇以其懦惰每加譴杖唯崇母自幼憐之親為櫛髮嘗戒家人曰朱三非常人也汝輩當善待之家人問其故答曰我嘗見其熟寐之次為一赤蛇然衆亦未之信也唐乾符中水星入南斗數夕不退諸道都統晉國公王鐸觀之問諸知星者吉凶安在咸曰金火土犯斗即為災唯木當應為福耳或亦

然之時有術士邊岡者洞曉天文博通陰陽歷數之妙窮天下之竒秘有先見之明雖京房管輅不能過也鐸召而質之岡曰惟木為福神當以帝王占之然則非福於今必當有驗於後未敢言之請他日證其所驗一日又密召岡因堅請語其詳至于三四岡辭不獲鐸乃屏去左右岡曰木星入斗帝王之兆也木在斗中朱字也以此觀之將來當有朱氏為君者也天戒之矣且木之數三其禎也應在三紀之內乎鐸聞之不復有言及為

梁王迎駕於鳳翔天復二年九月甲辰帝以敵寨聯絡稍盛躬統千騎乘高診之時秋空澄霽四絕纖靄望者見龍旌上紫雲如織遠邇同矚或曰馬氣上騰往往若是或曰前後騎士屯集豈一二乎曷無是耶茲固竒瑞非常人所當也三年十月甲午有大聲出於梁邸之聽事帝甚驚駭占者曰當有大慶後封魏王天祐四年正月自河北還壬寅至梁是日有五彩雲覆于府署之上士庶靡不覩者又軍庫前有苦井嘗以備灑滌之用一

且其味忽變甘美若飴冠於他井今見在焉二月戊申朔家廟主者言廟之左棟產五色芝狀如芙蓉紫烟蒙護數日不散是日福建帥遣吏持箋幣通好仍以白鸚鵡一同至自是旬朔之內諸州郡繼以白烏白雀白兔洎白蓮之並蒂者相次來獻上覩之謙畏彌極咸命具表歸天朝四月帝將受禪宋州刺史王舉進赤烏一雙又宰臣張文蔚正押傳國寶玉冊金寶及文武羣官諸司儀仗法物及金吾左右三軍離鄭州丙辰達上源驛

是日慶雲見

冊府元龜卷二百三